



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

§. XXII. Singularia Reconciliationum specimina.

[urn:nbn:de:hbz:466:1-47773](https://nbn-resolving.de/urn:nbn:de:hbz:466:1-47773)

§. XXII.

Singulare Reconciliationum Specimina.

Narrabimus hic, ad ceterorum specimen, eventum quendam singularem. Oppidum Borzonascum, quod in Liguriæ montibus est, totum duas in factiones divisum erat, quas inter quadraginta plus minus cædes erant pannatae, & tanta erat mali vis, ut, quam toto biennio ipsius Genuensis Reipublicæ Magistratus adhibuerat, curam planè frustraretur. Fateri necesse est, placuisse DEO id solatij P. Paulo afferre; siquidem mane lucis D. Laurentio Martyri sacræ in omni illo Populo communem quandam concordiam stabilivit, conditionibus publici Scribæ operâ in chartam relatis. Sequenti autem die Cives illi prægrandem erexere Crucem, rei gestæ testem & monumentum. Et placuit tantopere Reipublicæ eventus, ut mitteret aliquos cum literis, qui publico nomine tanti operis Authori grates agerent. Illustres duo viri, principes Civitatis valde inclytæ, tam atrocibus odiis dissidebant, ut eorum quisque suis in villis ad quadraginta aleret armatos in omne facinus paratos; nec unquam utervis prodiret domo, nisi multis armatis stipatoribus cinctus: nec erat, qui dissidio componendo manum admovere sustineret, cum pars utraque conditiones obfirmato animo posceret, quas altera nunquam esset initura. Contulit se ad eos P. Segnerus, & tam æquis conditionibus prudenter propositis, quam verborum suorum rationumque pondere utrumque impulit, ut sublatâ omni discordiâ armatos dimitterent, totique illi terrarū tractui tranquillitatem restituerent, cum antea in momenta fere ex illa rerum perturbatione tragicus & cruentus valde exitus timeretur. Abbas quidam Mytrâ insignis, geminâ fratribus

F 2.

fratrum suorum cæde irritatus , cùm tota sic esset excisa Stirps , plurium annorum spatio omne pacis ac concordiæ mentionem rejecerat . At solâ unâ nostri Pauli concione auditâ non solùm ad Pacem concedendam permotus est , sed in ultima Sacræ Expeditionis Supplicatione medius inter binos cædium illarum Authores incedere voluit ; itaque cuncti tres Pœnitentium more vestiti rarum dederunt spectaculum , cùm unus funis omnes tres arctè adstringeret , ut eo symbolo arctius multo vinculum repræsentarent , quo animi eorum invicem erant colligati . Maritum quempiam infami calumniâ aliqui denigrârant ; quæ res tam male hominem habuit , ut audito tantùm Patre Paulo , qui ad pacem cum offensoribus ineundam hortabatur , in ejus brachia animo defectus concideret . Ubi ad se is rediit , perrexit Pater animos illi addere , eumque sic paulatim immutavit , ut non cessaret oscula figere homini , qui tam gravem ipsi notam inußerat ; eodemque vesperi ad cœnam secum sumendam eundem invitaret , professus , non capere se vim gaudij , quo perfundebatur ex eo , quod tam singulari Numinis ope ad rem eam perficiendam esset adjutus . In ditionis Genuensis oppido luculentam plagam acceperat nonnemo è primoribus loci . Vulneris is & injuriæ sensu vivacissimo jam non parvam armatorum manum domi coegerat , ad vindictam sumendam : neque primarii Curionis , aliorumque preces quidquam valuere ad iram mitigandam . Delatus cò est P. Segnerus , & quin verbum ullum faceret , solo suo obtutu tantum effecit , ut vir ille , etiamnum madidus sanguine , qui profluebat è vulnere , mox procumberet in genua , & pacem sponte prior ipse offerret ; quæ res summam omnibus & admirationem & solatium attulit . Infelicis cuiusdam parentis sinu avulsus , & crude-

liter

liter è medio sublatuſ erat filius cariſſimus, quo uno ſpes o-
mnis familiæ nitebatur. Quid non fecit, quid non dixit
Pater, ut hominem induceret ad faciendum, quod ejus-
modi in eventibus lex divina à nobis expoſcit? ſed non fuit
modus obſtinatam ejus voluntatem ad quidquam horum
fleſtendi; ſic ut tandem Pater cœli illi diras minaretur. Par-
vi omnino viſus eſt facere has miſtas pervaſax, & ſuperbè
ſpernenti ſimilis abiit. Sed eventus ab ejus ſpe multum ab-
lufit. Ab illo momento quietis partem capere nullam uſpi-
am potuit; non cibo, non potu reficere vires; vultuſque
extincti carbonis atrorem induit. Sic compulſus eſt Patrem
non multis post diebus convenire denuo, paratūmque ſe of-
ferre ad omnia, quæcunque imperaſſet; & vix obtulerat,
cùm omnis confeſtim evanuit & animi oppreſſi horror, &
faciei nigredo. Inſolitum quid habuit eventus, qui Sa-
cerdoti cuipiam, rebus diviniſ addictiſſimo, contigit. Au-
dierat hic Patris diſſertationem, quâ Inimicorum dilecti-
onem inculcavit; & tam tenerè affectus eſt ad eam virtu-
tem, ut ipſi Patri aſſeruerit: Si domum meam redux ipſum
adeò fratrem meum occiſum ſpectare cogerer, ne dubita,
paratiſſimus eſtem, ad veniam homicidae dandam. Do-
mum exin refta petiit, & prater omnem ſpem atque expe-
ctionem fratrem ſuum occiſum reperiit: nec mora, gene-
roſus ſui victor quidquid promiſerat, & quidquid DEUS
ante opportunè, ad ipſum contra iustum tam atrocem præ-
mu niendum, ſuggeſſerat, reiſpa eſt executus.

§. XXIII.

Alia eundem finem conſequendi artes.

Si quando P. Paulus in homines offendit, qui ſurdarum
F 3 instar